

雜識上下
捐修銀數

貴陽府志餘篇卷之十九

如貴陽府志事秦組周作梓夢嚴輯

如貴陽府志事博白朱德璽綬堂刊

雜識上

司馬相如爲上林子虛賦意思瀟散不復與外事相
關控引天地錯綜古今忽然如睡躍而興幾百日而
後成其友人盛覽字長通牂柯名士嘗問以作賦相
如曰合綦組以成文列錦繡而爲質一經一緯一宮
一商此賦之迹也賦家之心苞括宇宙總覽人物斯
乃得之於內不可得而傳覽乃作合組歌列錦賦而

退終身不復敢言作賦之心矣

州接牒柯同被犛教獨此排擯竊自慚恥謹遣使隨牒柯等州朝賀伏乞賜優諭兼同刺史授官

今嘉議大夫吏部尚書致仕許昌馮公名夢弼字士啟其始由八番雲南宣慰司吏繼辟樣湖廣省士啟嘗言其在八番時乘驛出向某所最後至一驛驛吏語以今夕晚矣且馬絆出在江上不若毋行士啟不浸省即還馬亟行行未三四十里忽馬刺赤者急行下馬且跪伏其言侏離莫能曉而其意則甚哀竊士啟聞之但搖手急謂且死矣於是士啟亦下馬禱之

曰某萬里遠客從吏遐方使有祿命固不死無之故
逃死時月微明視一物如小屋大竟滾入江水中聞
風臭浪襲人行數里許乃問之馬刺赤曰是之謂馬
絆問馬絆何物搖手不敢對三更後至前驛驛吏出
迎錯愕曰是何大膽敢越馬絆來乎士啟問馬絆吏
乃言此螭蝗精也遇之者輒爲所啖

黔米貴州各屬產米精絕盡香稻也所釀酒亦甘芳
入妙楚中遠不及而天下未有舉爲褒譚詳志之以
告好事家之知有黔米也

貴陽地勢自貴陽而上至威清衛日加隆聳右畔青

山尖頂若數點芙蓉可俯而捫從來見雲霞之狀如
畫中之樹扁而不圓至此衛節舍西南一望羣峰矗
立白雲千頃如在足下變幻百出或如沸湯或成堆
壘昔之所稱爲車爲布爲輪爲馬爲牛皆不足以狀
其妙蓋俯視則雲氣之全體皆見怪怪奇奇無所不
備也

苗種貴陽自阿江峭而上大造如髮乃屬漢其左右
高山內盡爲苗穴然皆輪糧赴差如齊民其種類白
苗黑苗花苗不一直接百里卽水西地威清衛鎮吳
鎮西南有山踔遠可望不可卽曰銅鼓山昔諸葛南

征獲銅鼓於此其地亦有農居种家苗多從山口出
入此山前後左右苗種各別又有蔡家苗農家苗皆
有頭目种苗則屬役於安氏

老虎苗民無城郭或三十家五十家據險而居以防
弋獲每一處合募一勇士號曰老虎飲食供奉有加
馬戰則老虎當先指揮調度合諸苗計之爲老虎者
不知其幾千百也

貴西苗種九種種類各別大約垂髻垢面語言與黔
人不同以青布帕裹髮高盤額前所佩匕首終其身
未嘗解無絮布雖大寒亦止披破毯一片或犬羊之

皮裘廣三尺許風從左至則披左肩風右至則披右肩或掩於胸或負於背皆視風所至居高山大箐中不產稻惟食苦蕎雜糧貪悍輕生既足走險易於爲亂雖饑寒迫之亦由漢人欺其愚而侮之太過忿激而成也

賸賸賸中人稱

爲京裡老皇帝稱大小官府皆曰皇帝其私稱官府則曰賸粵西稱官曰賸稱官府之僕從皆曰老爺各衙門曰朝廷賸賸賸之稱始春秋一字之譏歟衣服飲食苗人多衣草衣婦人以筒布爲裙以荷葉

包飯洞水澆而食之以蘆管漬酒飲之謂之竿兒酒
呼坐爲歹雞

打牙猪苗種有打牙猪猪其至尊者用銀鍍煬杖
流官趕場苗人呼漢官爲流官甚畏懼之呼上市爲
趕場

歲臘苗中歲臘有以十月十一月者迎春多扮故事
殊怪奇俗川雞卜吹蘆笙賽神打鼓爲戲

石花黔靈山中四月內石生花如雲霞燦然人多往
觀之

男女婚匹女兒未配者携竿於野男子未娶者簪花

爲號每晚食後打鼓聚會謂之跳月未婚匹者任其
播奔女人銀釵垂耳以馬尾爲髻

貴州省城明初設貴州宣慰司至隆慶中改貴陽府
環城九里七分自南至北街道甚闊市肆咸聚從來
談者皆謂滇南重地而取道於黔中一綫設黔省總
爲通滇計然明時二百年中黔常多事不及眞雲之
盛近則黔地漸安荒蕪漸闢矣

貴州省城西隅有土著老人張姓言宣慰司安氏向
與流官中分而治以城中十字街爲界西屬宣慰東
屬流官故府西一帶舊稱老苗城天啟中與守土臣

不協乃招水西酋長安堯陷龍里攻省城自天啟二
年二月初七日被圍至十月初一督師張鶴鳴援兵
至乃解圍後朱變元繼至始平定議於舊城外聯築
一城謂之新城以護城外居民王竣於天啟四年周
九里三分自孫可望出黔乃大築省城撤新城
爲之新城乃毀廢

號石蝎子花黔靈山僻有號石山谷多蝎子花

人化爲虎貴州最多婦人卽化男子則不化也康熙
二十六年貴州定番州上馬司土官方名譽之母獨

坐室中忽門外有數虎往來其間母卽神癡以手據地坐而饒食侍者扶掖輒怒搏之數日口漸潤而目暨哭身有黃毛跑踣欲出外虎日夕至門候之一日偶值弛備跳踉入虎羣至地數滾變虎而去三十六年開州民家一婦亦如此已遁入山尚未全變其夫與子求而獲之載與俱歸飲藥醫治月餘復爲人今尚在州守王紀青親言之

蒟醬蜀都賦曰蒟醬菜葉吳都賦曰東風浮蘭所謂布綠葉之蒟醬結朱實之離離迎隆冬而不凋常曳曳以猗猗是也蒟花如流藤葉如草撥子如桑椹或

亦西域之種矣。陽薑陰殷。膚白皮烏。其味辛香。近於
桃柳之類矣。嶺南人取其葉合檳榔食之。呼爲莖莠。
亦莖也。又爲九真之藤。根似芋而長。葉似天南星而
大。黔之人食檳榔者。購於滇。斷破之。長寸許。與石灰
並咀口中。赤如血。又漚其油。醢爲醬。故曰蒟醬。楊
升庵丹鉛錄所致非謬矣。一物微不同。然資之以調
燥濕。疏積滯。消瘴癘。功則一也。

邛竹。乙酉余官武昌。來江上。凡夫山曲水涯。風亭月
觀之間。見此君之風。稍雨簪。青青猗猗。輒爲之解衣
濯足。坐其下。流連竟日。今於黔得邛竹。以其名考之。

自產於蜀之臨邛。或山川相接。草木無殊。故亦有於
黔耳。土人呼爲羅漢竹。咽腹蛇蟠。鶴膝龍鐘。竹中之
磊磊落落。俯視一切。出夏侯湛贊東方生云。開濟明
遠。包含宏大。維節邁倫。高風蓋世。可謂拔乎其萃。遊
方之外者也。予瞻嘗取以況太白。余於邛竹亦云。斷
以爲杖。藏之惜之。俟歸田之後。老而用之。無爲葛陂
之槩。化龍飛去矣。

常節柑或曰。卽南海之紫羅橘。視佛指而少拳。指形
悉具。屈而不伸。剖食如蜜。類於楚澤之萍實也。黃裳
元吉。其美如蘭。咀嚼之馨流齒頰矣。其子離離可數。

盤州以上祇有之蓄之樹以淡歲薦之梓則彌月色
不衰而亦不變可謂果實中之幽人志士矣

刺梨野生夏葩秋實榦如蒺藜多芒刺葩如茶藤實
如安石榴而較小味甘而微酸食之可以已渴亦可
消滯漬其汁煎之以蜜可作膏正不減於梨楂也然
亦有貴賤辨之單者土人以之挿籬而代槿胎之重
者名爲送春歸春深吐豔大於菊密萼緜英紅紫相
間而成色實尤美黔之四封悉產移之他境則不生
豈亦畫疆之雉過淮之橘耶又普定烏撒梨不下建
陽宣城亦有梨膏佳者不下河間

雞蹏負苞之族肉芝之遠裔也一名蠃奪所生之下
多自蠃氣所蒸也秋七月生淺草中初奮地則如笠
漸如蓋移晷則紛披如雞羽故曰雞以其從土出故
曰雞種有二惟紫者可茹白能傷人蓋竊其似以亂
真不可以不察也又有肥瘠之殊肥者味厚瘠則薄
理固然也蹲而采之來歲可再得立則否然亦視其
雨暘之愆若爲羨耗以之充庖甘鮮殊可悅熾而藏
之膏而漬之漬以永昌蒙自爲最黔則普定所產味
不及滇脚雅引莊子雞菌不知晦朔集韻環土菌也
鳥飛而歛足菌形如之

脆蛇長尺許圍如錢背黑腹白暗鱗斑斑可玩也生
黔地伏草澤間出人往來恒有度捕之者置竹筒於
其徑則入其中急持之方可完少緩則自碎故名脆
暴之使乾已風去癘視其身之上中下以治人之頂
腹脛足罔不驗

五九菊黔中菊有五月開九月後開者名五九菊

通腸草叢生根如商陸葉類蓼而大莖有節當心抽

花葉數十作穗花淡紅色久漸赤子離離似桑葚黔

地多有之署園中百叢也紅鬚內豔頰牙外標華橙
之映翠幕丹璫之則碧瑤當不過是初至未識其名

有嬰兒自尋伺至始呼之毒能斷腸可賊也辛未夏
雨過忽來小鳥止於穗間羅之綠衣鳥距似倒掛久
臥軒輊才五銖極可玩寵之三日嬰兒曰此斷腸鳥
也嗜啄斷腸花子采而飼之可久活試之果然

論曰按本草經斷腸草一名鉤吻一名埜葛一名胡
蔓一名黃藤今證之皆非也陶宏景云鉤吻言鉤人
吮吻入腹爛腸是也然所謂葉紫花黃初生似黃精
隱居斯語爲茅山黃獨反覆致辨無使學長生者誤
服它物已耳非篤論也若博物志所云鉤吻蔓生葉
似皂莢則大繆矣稽含南方草木狀云埜葛蔓生葉